



UNIVERSITÄTS-
BIBLIOTHEK
PADERBORN

Antiquae Lectionis Tomus ...

In Qvo Plvra Qvam XX. Antiqua monumenta, nunquam edita

Canisius, Heinrich

Ingolstadii, 1602

Caput 31. De Octauiano Cæsare.

[urn:nbn:de:hbz:466:1-64160](https://nbn-resolving.org/urn:nbn:de:hbz:466:1-64160)

Caput 30.
De Iulio Cæsare.

Postquam C. Iulius Cæsar primus Romanorum singulare obtinuit imperium, Romanorum princeps appellatus est. Pompeius prælio victus fugiens, à spadonibus Alexandri regis occiditur. Ptolomæi cadaver cum lorica aurea in Nilo inuenitur. Cæsar in Ægypto regnum Cleopatrz confirmat, ob stupri gratiam. Cleopatra regio comitatu ingressa urbem prohibet lecticis & margaritis yti. Antonius decernit. Quintilem mensem Iulium debere dici, quia in eo fuisset natus. C. Iulius Cæsar in curia occiditur, corpus in rostro rumore cõcrematur. Romæ tres exorti Cõsules in eadem vrbe fuerunt. Inter cætera portenta, quæ in toto orbe facta sunt, bos ad arantem in suburbano locutus est; frustra se vrgeri: non enim frumenta, sed homines breui defuturos.

Caput 31.
De Octauiano Cæsare.

ROMANORVM secundus post Iulium singulare Octavianus assumpsit imperium, qui primum Augustus Cæsar appellatus est, regnavit annos LXI, menses sex. Post quem Augusti appellati sunt reges Romanorum. Antonius aduersus Cæsarem Augustum bellum mouit. Falcidius tribunus plebis legem tulit, ne quis plus testamento legaret, quàm vt quarta pars hæredibus superesset. Trans Tyberim fluuium oleum terra erupit, quod tota die sine intermissione fluxit, significans Christi gratiam ex gentibus. Antonium superat Augustus Octavianus & interueniente Senatu, eum in gratiam recepit. Antonius Patricius contra Iudæos dimicans tandem occiditur & regnum Iudæorum tunc fuit destructum. Herodes postea à Romanis constitutus princeps. Virgilius in Cappadocia moritur. Herodes à Romanis Iudæorum suscepit principatum. Cuius tempore Christi natiuitate vicina, regnum & sacerdotium Iudæi, quod prius per successionem Assamonæorum tenebatur, destructum est; completa prophetia, quæ ita per Moysen loquitur

Geni. 49.

quitur: Non deficiet princeps ex Iuda, neque dux de femoribus eius, donec veniat cui repositum est: & ipse erit expectatio gentium. In hoc loco etiam Christus, quem Danielis scriptura præfatut, accepit finem. Nam vsque ad Herodem, Christi, id est, Sacerdotes erant reges Iudæorum, qui imperare cœperunt * 165. Olympiadæ; & ab instauratione templi sub Dario vsq; ad Hyrcanum & CLXXXV. Olympiadæ an: CCCC LXXXVII. in medijs antefactis, quos Daniel significat, dicens: *Et sciēs & intelligens ab initio sermonē respondendi & ædificandi Hierusalem vsq; ad Christi principatum, hebdomades VII. & hebdomades sexaginta duæ: quæ sexaginta nouem hebdomadæ faciūt antefactis: quadraginta quatuor.* Herodes Antipatri filius nihil ad se pertinentem Iudæam ab Augusto & Senatu accepit: filijq; eius post eum regnauerunt vsque ad nouissimam Ierololymæ captiuitatem. Quæ omnia etiam Daniel propheta vaticinatur, ita dicens: *Et post hebdomadas septem & sexaginta duās, peribit chrisma, & iudicium nō erit in eo: & templum & sanctuarium corumpet populus cum duce veniente: & cædentur in cæclismo belli.* Et in consequentibus: *Et super templum, inquit, abominatio desolationū vsq; ad consummationē temporis: & consummationem dabit super dissolutionē.*

Herodes Ananæum quendam Pontificem Iudæorum instituit, & post exiguum temporis Aristobulum fratrem vxoris suæ, nepotem ----- successorem dedit, quo post annum vnum interfecto, Ananæo reddidit sacerdotium.

Lunæ cursus tunc à Romanis inuentus est.

Antonius Cleopatram Arabiam tradit. Augusti & Antonij tertiæ dissensionis exordium fuit, quod repudiata sorore Cæsaris, Cleopatram duxit vxorem, Cleopatra & Antonius semet interficiunt, & ob hoc Ægyptus fit Romana prouincia: quam primus tenuit cōsul Cornelius.